

INFORME SECRETARÍA-INTERVENCIÓN	
ASUNTO:	INFORME
TIPO DE EXPEDIENTE:	MODIFICACIÓN DE CRÉDITO. TRANSFERENCIA DE CRÉDITOS ENTRE DISTINTAS ÁREAS DE GASTO 4/2024
Informe intervención	576/2024
Expediente	17902/2024

1- MARCO NORMATIVO.

A normativa de aplicación ao asunto informado é, en esencia, a recollida nas seguintes disposicións:

Normativa estatal.

- Lei 7/85, de 2 de abril, Reguladora das Bases do Réxime Local (LRBRL)
- RDL 2/2004, de 18 de abril, polo que se aproba o Texto Refundido da Lei reguladora das facendas locais (TRLRFL).
- Lei Orgánica 2/12, de 27 de abril, de estabilidade orzamentaria e sustentabilidade financeira (LOEPSF).
- Real Decreto 500/90, de 20 de abril, que desenrola o TRLRFL en materia orzamentaria.
- Real Decreto 1463/2007, do 2 de novembro, polo que se aproba o Regulamento de desenvolvemento da Lei 18/2001, do 12 de decembro, de estabilidade orzamentaria, na súa aplicación ás entidades locais.
- Orde EHA/3565/2008, de 3 de decembro, pola que se aproba a estrutura dos orzamentos das entidades locais.
- Orde HAP/2105/2012, de 1 de outubro, pola que se desenvolven as obrigas de subministro de información previstas na Lei Orgánica 2/2012, de 27 de abril, de Estabilidade Orzamentaria e Sustentabilidade Financeira.

Normativa aprobada polo Concello de Ames.

- Bases de execución do orzamento.

2- ANTECEDENTES DE FEITO.

Remítese a este servizo a Memoria da concelleira de Servizos Económicos, pola que se dá conta da necesidade de realizar unha transferencia de crédito entre distintas áreas de gasto do orzamento de 2024, xa que o Concello quere poñer en marcha unha nova campaña dos “Bonos Consuma” tras o éxito da campaña no comercio local nos últimos 3 anos.

O importe da campaña ascendería a 60.000 euros, importe que non estaba previsto nos créditos iniciais do to Municipal para o exercicio 2024, polo que sería necesario dotar crédito adecuado e suficiente a través dunha modificación de crédito.

Propónse minorar partidas que non se van a executar antes de que finalice o exercicio orzamentario tramitando unha Transferencia de Crédito.

POSIBILIDADE DE MINORAR AS APLICACIÓNS DE GASTO SEN MERMA DOS SERVIZOS CORRESPONDENTES..-

Aplicación que cede crédito		Proxecto	Importe	Xustificación da minoración
133	62300	2024/4/PROX./1	60.000,00€	O proxecto incluído no Anexo de Investimentos do Orzamento Municipal do exercicio 2024 denominado “Investimentos prazas de garaxe no Milladoiro(maquinaria)”, non se vai executar antes de que remate o exercicio orzamentario xa que aínda non se tramitou o expediente para o exercicio da actividade económica de aparcamento público .

A transferencia proposta é a seguinte:

TRANSFERENCIA DE CRÉDITO

Aplicación que recibe crédito		IMPORTE	Aplicación que cede crédito		IMPORTE
4314	48000	60.000,00€	133	62300	60.000,00€

O presente informe é emitido en cumprimento do disposto na Base de execución do orzamento nº13, e nel non se aborda a legalidade dos gastos afectados por esta modificación, que deberán ser obxecto de fiscalización independente, no marco co correspondente procedemento.

3.- ANTECEDENTES DE DEREITO.

Da modificación de crédito a efectuar.

3.1 Da modificación de crédito a efectuar.

As transferencias de crédito poden ser descritas como aquelas modificación do orzamento de gastos mediante a que, sen alterar a contía total do mesmo, o importe dun crédito é destinado -total ou parcialmente- ao financiamento de gastos imputables a partidas orzamentarias con diferente vinculación xurídica.

Segundo dispón a normativa estatal sinalada ao principio deste informe, as entidades deberán regulará, nas Bases de execución do orzamento, o réxime de transferencias, establecendo o órgano competente para autorizalas; en todo caso, a aprobación das transferencias entre distintos grupos de función¹ corresponderá ao pleno, salvo cando tanto as baixas como as altas afecten a créditos de persoal.

De acordo co previsto na referida base de execución do orzamento nº 13, os expedientes tramitaranse pola Alcaldía, previo informe da Intervención, que deberá certificar a existencia de crédito suficiente na aplicación orzamentaria que deba ceder crédito, e non só na bolsa de vinculación xurídica na que esta se atope incluída. Esta base prevé igualmente que aprobación dos expedientes de transferencias de créditos entre distintas áreas de gasto corresponderá ao Pleno do Concello, salvo cando as altas e as baixas afecten a créditos de persoal.

3.2 Dos límites que afectan ás transferencias de crédito.

O artigo 180 do TRLRFL establece cales son as limitacións das transferencias de crédito:

1. “As transferencias de crédito de calquera clase estarán suxeitas ás seguintes limitacións:

- Non afectarán aos créditos ampliáveis nin aos extraordinarios concedidos durante o exercicio.
- Non poderán minorarse os créditos que tiveran sido incrementados con suplementos ou transferencias, salvo cando afecten a créditos de persoal, ni os créditos incorporados como consecuencia de remanentes non comprometidos procedentes de orzamentos pechados.
- Non incrementarán créditos que como consecuencia doutras transferencias tiveran sido obxecto de minoración, salvo cando afecten a créditos de persoal.

2. As anteriores limitacións non afectarán ás transferencias de crédito que se refiran aos programas de imprevistos e funcións non clasificadas nin serán de aplicación cando se trate de créditos modificados como consecuencia de reorganizacións administrativas aprobadas polo pleno”.

A Base de execución nº 13 ven a engadir o seguinte:

“Os expedientes de transferencias de crédito tramitaranse pola Alcaldía, previo informe da Intervención de Fondos que certificará da existencia de crédito suficiente na aplicación orzamentaria que deba ceder crédito.

A aprobación dos expedientes de transferencias de **créditos entre distintas áreas de gasto corresponderá ao Pleno do Concello**, salvo cando as altas e as baixas afecten a créditos de

¹ Áreas de gasto, de acordo ca nova estrutura orzamentaria (Orde EHA 3565/2008).

persoal. Na tramitación destes expedientes serán de aplicación as normas sobre información, reclamacións e publicidade aplicables á aprobación do Orzamento Xeral do Concello, así como o réxime de recursos contencioso administrativos contra os citados Orzamentos.

A aprobación dos demais expedientes de transferencias de crédito, previo informe e certificación da existencia de crédito suficiente da Intervención, corresponderá á Alcaldía.

Non terán a consideración legal de transferencias as alteracións de crédito entre aplicacións orzamentarias pertencentes a un mesmo nivel de vinculación xurídica".

3.3.- Cumprimento dos aspectos de legalidade que afectan ao expediente.

Aspecto a comprobar.		Grado de cumprimento no expediente examinado
3.3.1	Que o expediente non afecte a créditos ampliados ou extraordinarios concedidos durante o exercicio.	Os créditos ampliados son os imputados ás aplicacións sinaladas na Base de execución do orzamento nº 13, entre as que non se atopa ningunha das afectadas nesta modificación: <ul style="list-style-type: none"> 161 227.11 servizo de auga e saneamento 161 227.11 servizo de auga e saneamento Ao longo do presente exercicio non se tramitou un crédito extraordinario nas aplicacións propostas. O expediente CUMPRE este aspecto obxecto de verificación.
3.3.2	Que a transferencia non minore créditos que tiveran sido incrementados con suplementos ou transferencias, salvo cando afecten a créditos de persoal.	O expediente CUMPRE este aspecto obxecto de verificación.
3.3.3	Que a transferencia non minore créditos incorporados como consecuencia de remanentes non comprometidos procedentes de orzamentos pechados.	O expediente CUMPRE este aspecto obxecto de verificación.
3.3.4	Que a transferencia non supoña o incremento de créditos que como consecuencia doutras transferencias tiveran sido obxecto de minoración, salvo cando afecten a créditos de persoal.	O expediente CUMPRE este aspecto obxecto de verificación.
3.3.5	Que na data de emisión do informe exista dispoñibilidade de crédito, segundo os datos contables, na aplicación orzamentaria da que parte a transferencia, así como na bolsa de vinculación xurídica na que a mesma se atopa incluída.	Á data de emisión do presente informe existe crédito para facer fronte á modificación plantexada a nivel de aplicación consta RC 22024/17602 O expediente CUMPRE este aspecto obxecto de verificación.
3.3.6	Que a proposta de aprobación do expediente se formule ao órgano competente.	A presente transferencia afecta a aplicacións que pertencen a distintas área de gasto. En consecuencia, a competencia para a súa aprobación corresponde ao Pleno da Corporación por maioría simple seguindo O expediente CUMPRE este aspecto obxecto de verificación.

4-CONCLUSIÓN.

- Carácter do informe: En base ao exposto INFÓRMASE FAVORABLEMENTE a aprobación da modificación de crédito plantexada, nos termos propostos.
- Órgano competente para a adopción do acordo: de acordo co disposto no artigo 21.1 f) da LRBRL, así como na base de execución do orzamento nº 13, o órgano competente para a aprobación deste expediente é o Pleno pro maioría simple.
- Trámite a seguir para a aprobación do expediente: de acordo co indicado, o expediente deberá seguir o trámite disposto para o caso do orzamento xeral nos artigos 168 e 169

do TRLRFL, así como na Base de execución do orzamento nº 11, integrado polas seguintes fases:

1. Ditame da Comisión informativa permanente de Economía e Facenda e Especial de Contas.
2. Aprobación inicial polo Pleno do Concello.
3. Exposición pública do expediente por prazo de quince días hábiles, previo anuncio no Boletín Oficial da Provincia.
4. Aprobación definitiva polo Pleno, no suposto de presentarse reclamacións; noutro caso, o acordo aprobatorio inicial considerárase definitivo sen necesidade de acordo posterior.
5. Publicación do expediente, resumido por Capítulos, no Boletín Oficial da Provincia.
6. Simultaneamente ao envío do anuncio de publicación indicado no apartado anterior, remitírase copia á Comunidade Autónoma e á Administración do Estado.

A interventora

Margarita Fernández Sobrino

A secretaria

(informe aos efectos de procedemento)

Rosa Ana Prada Queipo

DATA DE SINATURA: HASH DO CERTIFICADO:
10/10/2024 8D9D0076A28A9552310FB85971FB4EC968503B7D
11/10/2024 94794F58078E16456C0177DD6EC028B3B160825F

POSTO DE TRABALLO:
Interventora
Secretaria

NOME:
FERNÁNDEZ SOBRINO, MARGARITA
PRADA QUEIPO, ROSA ANA

Asinado Dixitalmente no Concello de Ames - <https://sede.concellodeames.gal> - Código Seguro de Verificación: 15220IDOC27EBCF6328234B49A1